



Broj: 02-04-3-3575-1/24  
Goražde, 09.01.2025. godine

Na osnovu člana 70. stav 1. i 3. i člana 72. stav 3. tačka a) Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – otvoreni postupak za dostavljanje ponuda za pružanje usluga revizije projektne dokumentacije za objekte visokogradnje i niskogradnje (lot 1), Gradonačelnik Grada Goražda donosi:

## O D L U K U

o izboru četvrtorangiranog ponuđača „Encos” d.o.o. Sarajevo u postupku javne nabavke – Nabavka usluga revizije projektne dokumentacije za objekte visokogradnje i niskogradnje (lot 1)

### I

Ovom Odlukom se Okvirni sporazum o pružanju usluga revizije projektne dokumentacije za objekte visokogradnje i niskogradnje (lot 1) dodjeljuje četvrtorangiranom ponuđaču „Encos” d.o.o. Sarajevo sa ukupnom cijenom u iznosu od 7.000,00 KM bez uračunatog PDV-a i ponuđenim procentom za određivanje cijene usluge revizije koji iznosi 5% od vrijednosti projektne dokumentacije.

### II

Četvrtorangirani ponuđač je u skladu sa uslovima iz tenderske dokumentacije, dužan na adresu ugovornog organa u roku od 7 dana od dana zaprimanja ove odluke dostaviti, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama (tačka 5.1.4. TD), dokaze o ispunjavanju uslova iz člana 48. i 50. Zakona (tačka 5.4.3. TD) kao i original ili ovjerenu fotokopiju važeće licence koju izdaje Federalno ministarstvo prostornog uređenja ili nadležno Kantonalno ministarstvo za obavljanje djelatnosti arhitektonsko-inženjerskog projektovanja.

### III

Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđačima koji su učestvovali u postupku javne nabavke u skladu sa članom 70. stav 3. Zakona o javnim nabavkama.

### IV

Ovom odlukom stavlja se van snage odluka o prihvatanju ponude trećerangiranog ponuđača „Radis“ d.o.o. Istočno Sarajevo za pružanje usluga revizije projektne dokumentacije za objekte visokogradnje i niskogradnje (lot1) broj 02-04-3-3575-1/24 od 25.12.2024. godine.

## O b r a z l o ž e n j e

Gradonačelnik Grada Goražda je dana 21.10.2024. godine donio Odluku o pokretanju postupka javne nabavke usluga revizije projektne dokumentacije za potrebe Grada Goražda broj 02-04-3-3575/24 u otvorenom postupku nabavke. Predmetna nabavka je podjeljena na sljedeće lot-ove:  
Lot 1 - Pružanje usluga revizije projektne dokumentacije za objekte visokogradnje i niskogradnje,  
Lot 2 - Pružanje usluga revizije za objekte za koje je potrebno pribaviti vodne akte.

Na osnovu navedene odluke objavljeno je Obavještenje o javnoj nabavci na portalu javnih nabavki dana 22.10.2024. godine. Tenderska dokumentacija za ovu nabavku je objavljena takođe na portalu javnih nabavki i istu je preuzelo 24 zainteresiranih ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 13.11.2024. godine.

U predviđenom roku za dostavljanje ponuda do 13.11.2024. godine do 11:00 sati, ponude za pružanje usluga revizije projektne dokumentacije za objekte visokogradnje i niskogradnje (lot 1) su dostavili sljedeći ponuđači: „Uniprojekt“ d.o.o. Goražde, „Encos“ d.o.o. Sarajevo, „Radis“ d.o.o. Istočno Sarajevo, „Smajić inženjering“ d.o.o. Goražde, „Ida-inženjering“ d.o.o. Bugojno, „Kohisa“ d.o.o. Sarajevo, „Urbis centar“ d.o.o. Banja Luka i Institut za građevinarstvo „IG“ Banja Luka;

Komisija za provođenje procedure javne nabavke je izvršila pregled i ocjenu ponuda i konstatovala da ponude ponuđača „Encos“ d.o.o. Sarajevo, „Radis“ d.o.o. Istočno Sarajevo, „Smajić inženjering“ d.o.o. Goražde, „Ida-inženjering“ d.o.o. Bugojno, „Kohisa“ d.o.o. Sarajevo, „Urbis centar“ d.o.o. Banja Luka i Institut za građevinarstvo „IG“ Banja Luka ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i tehničke i profesionalne sposobnosti ponuđača, što je navedeno u zapisniku o pregledu i ocjeni ponuda.

Obzirom da u predmetnom postupku nabavke nije predviđeno provođenje e-aukcije, to je na osnovu kriterija za dodjelu ugovora “najniža cijena” utvrđena rang lista ponuđača kako slijedi:

r.br.	Ponuđač	Cijena ponude (bez PDV-a)	Popust	Ukupna cijena sa uračunatim popustom bez PDV-a
1.	“KOHISA” d.o.o. Sarajevo	2.450,00 KM	73,50 KM	2.376,50 KM
2.	“IDA-INŽENJERING“ d.o.o. Bugojno	4.900,00 KM	98,00 KM	4.802,00 KM
3.	“RADIS” d.o.o. Istočno Sarajevo	6.524,00 KM	0,00 KM	6.524,00 KM
4.	“ENCOS” d.o.o. Sarajevo	7.000,00 KM	0,00 KM	7.000,00 KM
5.	„URBIS CENTAR“ d.o.o. Banja Luka	8.400,00 KM	0,00 KM	8.400,00 KM
6.	“SMAJIĆ-INŽENJERING” d.o.o. Goražde	9.800,00 KM	392,00 KM	9.408,00 KM
7.	Institut za građevinarstvo „IG“ Banja Luka	9.646,00 KM	0,00	9.646,00 KM

U skladu sa utvrđenom rang listom i preporukom Komisije za provođenje predmetnog postupka javne nabavke, Gradonačelnik Grada Goraža je donio Odluku o prihvatanju ponude ponuđača “Kohisa” d.o.o. Sarajevo za pružanje usluga revizije projektne dokumentacije za objekte visokogradnje i niskogradnje (lot 1). Navedena Odluka i Obavijest o rezultatima postupka javne nabavke je dostavljena ponuđačima koji su učestvovali u ovom postupku javne nabavke.

U skladu sa tačkama 5.1.4. i 5.4.3. tenderske dokumentacije, kao i članom III Odluke o prihvatanju ponude ponuđača „Kohisa“ d.o.o. Sarajevo broj 02-04-3-2575-1/24 od 29.11.2024. godine izabrani ponuđač je bio obavezan da u roku od 7 dana od dana zaprimanja odluke o prihvatanju ponude dostavi dokaze o ispunjavanju uslova iz člana 45. kao i člana 48. i 50. Zakona o javnim nabavkama. Izabrani ponuđač je Odluku o prihvatanju njegove ponude zaprimio dana 04.12.2024. godine.

Od strane ugovornog organa je utvrđeno da je ponuđač „Kohisa“ d.o.o. Sarajevo propustio da u ostavljenom roku dostavi original ili ovjerene fotokopije dokaza iz člana 45. kao i člana 48. i 50. Zakona o javnim nabavkama koji su zahtjevani tenderom. Shodno navedenom je u skladu sa članom 72. stav 3. Zakona o javnim nabavkama, Gradonačelnik Grada Goražda donio Odluku o izboru drugorangiranog ponuđača „Ida-inženjering“ d.o.o. Bugojno broj 02-04-3-3575-1/24 od 17.12.2024. godine. U skladu sa tačkom II navedene Odluke, od strane ponuđača „Ida-inženjering“ d.o.o. Bugojno su dana 20.12.2024. godine na protokol ugovornog organa dostavljeni dokazi o ispunjavanju uslova iz člana 45. kao i člana 48. i 50. Zakona o javnim nabavkama.

Uvidom u dostavljene dokaze utvrđeno je da dostavljeni Ugovori o poslovno-tehničkoj saradnji (dokaz da ponuđač ima na raspolaganju potrebno tehničko osoblje za izvršenje ugovora) nisu ovjerni pečatom pravnog lica već su samo potpisani od strane ovlaštenog lica naručioca, zbog čega okvirni sporazum o pružanju usluga revizije projektne dokumentacije za objekte visokogradnje i niskogradnje ne može biti dodjeljen ponuđaču „Ida-inženjering“ d.o.o. Bugojno.

Na osnovu gore navedenog Gradonačelnik Grada Goražde je u predmetnom postupku nabavke dana 25.12.2024. godine donio Odluku o izboru trećerangiranog ponuđača „Radis“ d.o.o. Istočno Sarajevo, koja je dana 03.01.2025.godine putem e- pošte dostavljena na e-mail adrese ponuđača.

U ostavljenom roku od 7 (sedam) dana od dana zaprimanja navedene odluke ponuđač „Radis“ d.o.o. je dostavio dokaze o ispunjavanju uslova iz člana 45. kao i člana 48. i 50. Zakona o javnim nabavkama.

Nakon uvida u dostavljene dokaze, utvrđeno je da dokazi o radnom iskustvu za diplomiranog inženjera građevine saobraćajnog smjera i diplomiranog inženjera građevine konstruktivnog smjera u kojima je navedeno da navedena lica imaju radno iskustvo na poslovima diplomiranog inženjera elektrotehnike-stručni saradnik za elektrotehniku, nisu u skladu sa zahtjevima iz tenderske dokumentacije. Naime, tenderskom dokumentacijom je zahtjevano iskustvo od minimalno 5 godina u okviru tražene stručne spreme. Iz navedenog razloga okvirni sporazum o pružanju usluga revizije projektne dokumentacije za objekte visokogradnje i niskogradnje (lot 1) ne može biti dodjeljen ponuđaču „Radis“ d.o.o. Istočno Sarajevo.

Obzirom da je ponuda ponuđača „Encos“ d.o.o. Sarajevo sljedeća na rang listi uspješnih ponuđača donesena je Odluka kao u dispozitivu ove odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Uz žalbu je potrebno dostaviti dokaz o plaćenju naknade za pokretanje žalbenog postupka.

DOSTAVITI:

- 1. Ponuđačima,
- 2. u spis,
- 3. a/a



**GRADONAČELNIK**

**ERNEST IMAMOVIĆ**